

# Dienelkander



## Nuusbrief van die Gereformeerde Kerk Potchefstroom-Oos

25 Februarie 2018

### OGGENDDIENS: Ds Piet

Ons is baie dankbaar teenoor die Here dat 10 jong gelowiges vandag die geleentheid kry om in die openbaar hulle geloof in God te bely. Ons is saam met hulle, hulle ouers en familie werklik opgewonde oor die werk wat God in hulle lewens doen en dat Hy hulle tot hier toe gelei het. Ons bid hulle die Here se seën toe op die volwasse geloofspad wat hulle hiermee betree. Hulle is:

Anja Coetsee, Amoné Delport, Pierre Labuschagne, Hans Laufs, Carmen Lubbe, Jan-Ernst Oosthuizen, Aldru Opperman, Willem Riekert, Douwlene van der Walt en Riaan van Zyl.

### Tema van die Woordverkondiging:

Ware geloof is ook 'n bewustelike keuse vir God wat verseker deur die wêreld getoets word maar net so seker deur God bewaar word.

### Lofsang met die oog op die erediens

Ps 105-1: 1, 2, 5; Lied 464: 1, 3, 4;

### Ontmoetingsdiens

Intreelied Lied 163:1; Votum; Seën; Loflied Ps 89-2: 1, 8, 9; Geloofsbelofte: Sing Sb 12-3: 1, 2;

### Verootmoedigingsdiens

Wetlesing: Lukas 10: 25 - 37; Sing Lied 510: 1, 2, 3, 4; Gebed;

### Woorddiens

Skriflesing: Daniël 1; Fokusvers: Daniël 1: 8;

Sing Ps 110-3: 2, 3; Woordverkondiging;

### Antwoorddiens

Sing Lied 305: 3, 4; Belydenisaflegging; Sing Ps 20-1: 2, 4, 5 (Mel Sb 18-6); Oudl Orrie Oosthuizen namens ouers; Gebed; Liefdegawes; Sing Sb 3-4: 1, 2, 5; Seën; Amenlied Sb13-2.

### GROEPBEDIENING

Ons Woordbediening vind vanaand in kleingroep plaas. Sien hieronder waarmee sommige van die kleingroepe besig is en skakel gerus in.

### MEELEWING

- Miems Kruger (Groep 4 - 084 736 9024) is uit die hospitaal ontslaan en sterk tuis aan.
- Susamarie de Villiers (Groep 21 - 082 416 3998) was die week in Mooimed opgeneem vir behandeling en sterk tuis aan .
- Joke Botha (Groep 28 - 072 045 5149) was die week in Mooimed opgeneem vir toetse.

**Ons bid dat die Here beterskap/bemoediging en troos sal gee.**

### ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Hester Buys, Isak vd Walt, Tjaart Snyman, Andy en Blossom Pretorius en Koos en Marlene Jooste.

## ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Hendrik vd Walt (079 022 2526)

## PROGRAM VAN DIE WEEK

### Vandag

09:00 Gebedsgroep

09:30 Oggenddiens en Belydenisaflegging  
Kleuterbediening  
Geen katkisasie vandag - ons vier almal die belydenisaflegging in die Skuur saam met die belydenisklas en hulle families.

Tee en Koffie in die Skuur

Groepbediening

### Maandag

17:15 Finansies: Tel

18:00 Kersmark

19:00 Vlamvat-taakspan vergader met Richard Verreynne in die saal

### Dinsdag

06:00 Manne Ondersteuningsgroep

17:00 Gesamentlike laerskooljeug beplanningsvergadering by Oos

18:00 Katkisasie Gr 11 - ds Piet

### Woensdag

17:30 Katkisasie Gr 8 - Jaco Lemmer

17:30 Katkisasie Gr 10 - Herman Stavast

19:00 Bybelstudie: Klipdrif

### Donderdag

18:00-19:30 Gesellige Bybelstudie/ byeenkoms vir studente en jong werkendes

### Saterdag

Gemeente-uitstappie en toerusting

## AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Diakonie.

- Gawes volgende Sondag vir die GKSA Sustentasie.
- Vrywillige bydrae vir voertuigsekuriteit in die bussies by die deure.
- Diensbeurte: Groep 2 en 3.

## VERJAARSDAE

Baie geluk aan almal wat DV hierdie week verjaar!

### Sondag, 25 Februarie

Sr Ansa Coetsee 083 249 0817  
Br Heinrich de Kock 072 337 4416

### Maandag, 26 Februarie

Br Dries Olivier 083 282 9712

### Dinsdag, 27 Februarie

Br Dirk Venter 082 454 5984

### Woensdag, 28 Februarie

Jsr Sandrie Olivier 079 676 2565  
Br Lou Venter (70) 082 566 5879

### Donderdag, 1 Maart

Br Hofmeyr de Vos 082 551 2793  
Sr Elsie Ferreira 072 449 1982

### Vrydag, 2 Maart

Sr Douwlenè vd Walt 076 834 0769

### Saterdag, 3 Maart

Jbr Arnu de Jager  
Sr Anèèn Labuschagne  
Jbr Derick v Zyl

## VLAMVAT-PROJEK (FANNING THE FLAME)

Die doel van die Vlamvat-projek is dat ons gemeente daarna streef om 'n outentieke, Bybelgesonde gemeente te wees. Nadat Ds Piet en Prof Naas Fereira navorsing in opdrag van die GKSA Sinode oor kerkgroei gedoen het, het hulle as deel van die navorsingspan 'n Embers to a Flame-konferensie bygewoon. Die sukses wat die projek in ander Gereformeerde Kerke voortgebring het, het hulle oortuig om dit in ons gemeente te implementeer. Hiervolgens

gaan ons met geloofsvolharding en – gehoorsaamheid die wedloop van die lewe hardloop (vgl Hebreërs 12:1, 2) om ‘n meer lewenskragtige gemeente te word. Dit is belangrik dat ons besef dat hierdie nie net ‘n program is wat ons gaan afhandel en “normaalweg” voortgaan nie. Nee, hierdie is ‘n voortdurende verbintenis van ons gemeente om betrokke te wees by ‘n proses wat ons ‘n meer gesonde, lewenskragtige gemeente in die Bybelse sin sal maak. In die afgelope week het ‘n aantal lidmate ‘n Gemeentelike Welstandsopname voltooi sodat persepsies oor verskeie aspekte van hierdie gemeente bepaal kan word. Die doel van die opname is om een sleutelfaktor (“minimum faktor”) te kies waarop daar gefokus gaan word.

Ons gemeente gaan in die volgende 14 maande toegerus word om ‘n Bybelgesonde leefwyse te handhaaf, selfs nadat die Vlamvat-projek voltooi is. Dit beteken dat daar oor 14 maande weer ‘n Gemeentelike Welstandsopname gedoen gaan word, waarin daar weer ‘n “minimum faktor” geïdentifiseer word waarop die gemeente gaan fokus.

Die Vlamvat-projek kan slegs suksesvol wees indien ons elkeen verbind is tot geestelike groei, as individue maar veral as gemeente. Ons vra dus u deelname en voorbidding sodat hierdie gemeente toegerus kan word om gewoontes en vaardighede te vestig om ‘n waarlik Bybelgesonde gemeente te wees wat sal groei.

## STUDENTE / JONG WERKENDES

Kom sluit by ons aan op Donderdagavond (18:00-19:30) vir ‘n gesellige Bybelstudie/byeenkoms. Ons kom hier by die kerksaal bymekaar vir lekker koffie, kuier en Bybelstudie. Die temas & besprekings beloof om juis relevant te wees tot studente en jongwerkendes. Enige iemand is welkom! Kontak : Jaco Lemmer (083 610 2421); Mariska van Greuning (084 506 6214) of

Hanno van Schaik (072 105 3961).

## GEMEENTE-UITSTAPPIE: VOLGENDE SATERDAG, 3 MAART

Lidmate kan vandag nog steeds plek bespreek - lys in die voorportaal van die Skuur. R150 p/persoon, alles ingesluit.  
Lidmate wat reeds bespreek het moet asb voor of op Maandag, 26 Feb betaal.

### Program:

Ontbyt vanaf 8:00 by TangleWood op die Carletonvillepad ( $\pm$  20km)

Voormiddag - Geestelike verryking - ds Piet gaan ons lei in ‘n praktiese oefening om jou gawes te identifiseer.

Middag - Kort Bybelvasvrae en speletjies/bordspeletjies

Kinders kan visvang en kajakke huur of swem

Aand - Braai. Geen eie drinkgoed toegelaat - ondersteun die oord se winkel asb. Onthou asb. Eie vleis vir die aand se braai.

Enige navrae: Anna Smith - 082 765 9813

## GROEPBEDIENING 2018

Om ons gemeente se groepbediening suksesvol voort te sit is dit uiters belangrik dat die kleingroepe betrokke raak by ‘n dienswerk binne die gemeente of in die gemeenskap. Ons wil graag met hierdie rubriek inligting deurgee sodat lidmate en groepe kan kennis neem van die dienswerk van groepe en mekaar sodoende inspireer om ons gawes in diens van die Here te gebruik. **Ons versoek kleingroepe om die temas/onderwerpe van hulle Skrifstudie asook die dienswerk/uitreik waarmee hulle besig is aan die kerkkantoor deur te gee sodat dit in hierdie rubriek kan plaas.** Hier is van die groepe wat reeds inligting gestuur het.

**Kleingroep 27: Immanuel (Dries Schutte - 082 339 5547), kom elke tweede Donderdag**

om 14:30 tot 16:30, wat volg op die Woensdagoggend se bybelstudie, by Walter en Mariana Plots aan huis, bymekaar.

Ons fokus tans in bybelstudie op die Vrug van die Gees en behandel op 8 Februarie, vriendelikheid as vrug van die Gees, om sodoende ons verhouding met ons naaste te bevorder. Verder doen ons lofprysing; deel ons in mekaar se lief en leed en doen ons voorbidding na binne en buite. Ons is as groep betrokke by die Diakonie se barmhartigheidsdiens deur maandeliks 'n gesamentlike geldelike bydrae tot die koskas te maak. Daar is ook van die lede wat bejaardes binne en buite die gemeente, besoek. Ons is in die proses om te kyk waar ons ook as groep hierdie jaar fisies betrokke kan raak. Ons groep bestaan uit tien lidmate waarvan vier, egsare is en twee enkellopende weduwees is. As groep beleef ons die onderlinge meeleving en omgee liefde en gesamentlike geloofsgroei baie positief en geestelik verrykend. Ons wil lidmate wat nog nie deel van 'n kleingroep is, aanmoedig om die weg op te gaan!

### **Kleingroep 29 (Pierre Volschenk - 082 467 5800)**

Hierdie groep kom 2-weekliks byeen soos in die gemeenteblad geskeduleer en vergader om die beurt aan huis van groeplede. Daar is 6 egsare in ons groep. Ons ervaring is dat 12 lede in 'n groep die optimum getal is om met gemak te akkommodeer en ook om met vrug aan besprekings deel te neem.

Ons is tans besig met 'n videoreeks van dr.David Pawson ("Unlocking the New Testament"). Die fokus vir 2018 (1e kwt) is op 13 Nuwe Testamentiese briewe. Drie van Paulus se sg. 4 gevanganisbriewe nl. Efesiërs, Filippense en Filemon, is pas afgehandel en Kolossense kom DV in Februarie aan die beurt.

Uitreike: (a) Weekliks elke Wo. nm by Amelia vir Huisgodsdiens asook 'n Sondag erediens elke 3e naweek (b) Groep versorg kinders van Syferfontein in medewerking met br Koot en sr Engela van der Walt wat dit koördineer.

Kruideniersware, groente & vrugte word maandeliks voorsien en afgelewer in lkageng. (c) Broeders van Grp 29 is betrokke by die Tea-time projek van die Dienssentrum. Een keer per maand word tee/koffie bedien aan buite pasiënte by die Potchefstroom Hospitaal.

**Kleingroep 31 (Prof. Naas Ferreira – 082 897 3966)** kom by die kerk bymekaar en gaan elke tweede Sondagaand fokus op die 'mekaar'-tekste van die Bybel. Ons wil graag daaruit leer hoe ons as gelowiges in ons 'mekaar-verhouding' (koinonia) moet lewe. Enige lidmaat wat belangstel om die geleenthede by te woon is hartlik welkom. Kontak asb vir Adele vir meer inligting.

**Kleingroep 32 (Albert Schutte - 081 748 5388)** behandel die kwartaal die Jakobusbrief. Vanaand spring hulle weg met die tema: Gelowiges kan die Woord nie net hoor nie, maar moet dit ook doen!

### **Kleingroep 37 - (Douw Grobler - 082 733 8385)**

Die temas wat ons kleingroep beplan om hierdie jaar te behandel is:

Kern geloofsbegrippe, verkillende denominasies, Kerkblad tema's, Bedes van die Onse Vader en Wie is my naaste?

### **Kleingroep 39 (Jasper Venter - 082 854 7229)**

Groep 39 se tema vir die eerste gedeelte van die jaar is: Die Bybel is 'n omvattende Boek wat in 'n groot verskeidenheid van verskillende literatuurstyl geskryf is. Daar is Poësie, Profesieë, Evangelies, Spreuke, Openbaringe ens, ens.

Hoe lees en verstaan ons die Bybel in die lig van die ryk verskeidenheid?

As vertrekpunt begin ons by ons volgende byeenkoms met die boek Obadja.

'n Ander fokuspunt waaraan ons aandag wil gee is: Ons Afrikaanse Bybel sal DV 1 Junie 2018 85 jaar in Afrikaans beskikbaar wees. Ons beplan iets rondom die datum, maar

ons wil eers met ds Piet en die Kerkraad in gesprek tree oor die inisiatief.

### **Kleingroep Deo-Gloria - Salomè Jonker (072 799 1797)**

Ons groep het in 2017 begin funksioneer onder groep 39. Nou is ons deel van groep 21, met Petri Schutte as ons ouderling.

Ons kom elke tweede Donderdag om 9:30 bymekaar, waartydens ons saam lofprysing doen, voorbidding vir ons predikant, diakens, ouderlinge, groepleiers en verskillende diensgroepe doen. Ons stel ook belang in mekaar se lief en leed en kan openlik en met vrymoedigheid daaroor praat en mekaar bemoedig.

Ons bid ook vir gemeenteledere wat siek is, vir ons verswakte bejaardes en in besonder vir ons verbondskinders.

Maandeliks skenk ons onbederfbare produkte vir die diakoniekas. Ons wil hierdie jaar vra dat die Gees ons sal lei om mense wat siek, eensaam of verswak is, te besoek. Ons wil ook saam met al ons gemeenteledere die Gees se vlam hoog brandend hou in ons dienswerk.

Vanjaar doen ons Bybelstudie aan die hand van Stephan Joubert se boek "Perspektief op die Heilige Gees."

### **SAKKIE-PROJEK**

Groep 37 en die groepsusters het inisiatief geneem om die Diakonie se koskas deurlopend aan te vul. Daar is sakkies in die kerk se voorportaal, elke sakkie het 'n itemnaam op. Neem gerus 'n sakkie en plaas die item daarin. Bring dit dan terug en plaas dit in die voorportaal van die kerk.

Baie dankie vir u ondersteuning!

### **AMANDELBLOEISELS**

Op Woensdag 14 Februarie het die Amandelbloeisels, ons senior lidmate, weer vir die maandelikse byeenkoms vergader. Prof Herrie van Rooy het in die skuur vir ons met skriflesing en gebed geopen. Hy en Jacoba is ook nou lede van die groep.

Daarna is ons na Paul en Marie se plot waar ons weer 'n feestelike oggend in hul lapa deurgebring het. Dit was 'n besonder mooi dag - nie te warm nie. Tant Miemie is geluk gewens met haar 93ste verjaardag die volgende dag. Ons het begin met tert en koffie/tee, heerlik gesels terwyl Paul die kole reggekry het om 'n worsie te braai waaraan ons later gesmul het saam met 'n paar slaiae. Na nog 'n koffietjie het ons maar traag opgestaan om weer huiswaarts te keer.

Senior lidmate wat nog nie aangesluit het nie, moet sterk oorweeg om ook 'n Amandelbloeisel te word. Ons kom eenmaal 'n maand bymekaar en kuier lekker, leer ken lidmate wat jy dalk al gesien en nog nie ontmoet het nie. Van tyd tot tyd kom 'n spreker of musikant ons byeenkoms opvrolik.

### **BAIE DANKIE VIR DIE OMGEE EN LIEFDE**

- Baie dankie vir Paul, Marie en die ander Amandelbloeisels wat my verjaarsdag so spesiaal gemaak het. Ek waardeer dit oopreg!

Tannie Miemie de Beer

- Liewe vriende

Baie dankie vir die lekker bederf van verlede Sondag. Dit was die allermooiste bos blomme (Lelies) wat ek ontvang het. Ek waardeer ook hierdie omgee uit my hart. Ek gaan more (Maandag) terug Pretoria toe en sien die onkoloog dan Dinsdag, 27 Februarie. Sal dan hoor wanneer hulle met bestraling begin. Sal laat weet sodra alles gereël is.

Groete en liefde,  
Salome Jonker

### **FINANSIËLE JAAREINDE**

Ons gemeente se finansiële boekjaar 2017/18 sluit einde Februarie. Lidmate wat jaarlikse dankoffers gee word versoek om dit in ag te neem.

Finansies Diensgroep

## **UITNODIGING – WêRELBIDDAG VIR VROUE**

U word hartlik uitgenooi na 'n byeenkoms van die Wêreldbiddag vir Vroue op Donderdag, 1 Maart in die NG Kerk Potchefstroom – Die Bult (h/v Esselen- en Presidentstraat) om 18:30. Daar sal 'n kollekte opgeneem word vir Bybelverspreiding. Na afloop van die verrigtinge sal tee, koffie en sap bedien word.

### **KERKLIKE TYDSKRIFTE**

Die tydskrifte is beskikbaar in die kerkkantoor vir gemeenteledere wat daarop ingeteken is.

### **TOPIA - ONDERSTEUN DIE BEDIENING MET 'N DVD**

Die DVD van die opleiding van ds Johannes Aucamp van Topia, wat ook hier by ons aangebied is, is nou in die kerkkantoor beskikbaar teen R100 per kopie.

### **KENNISGEWINGBORD**

- Ons Gholfdag vind Vrydag, 23 Maart, plaas.

### **BEROEPE NUUS BEROEPE AANVAAR**

- Proponent JAG Henning (Kosie) na Harrismith.
- Proponent JPL van Jaarsveld (Vickus) na Krugersdorp-Wes/Magaliesburg-kombinasie.

### **BEROEPE BEDANK**

- Ds C Jooste (Christiaan) van Waterberg na Brits.
- Ds FJ van Rensburg (Frikkie) van Rustenburg-Noordoos na Komatipoort.

### **ALGEMENE INLIGTING**

#### **• WOW-HERWINNINGSWERK (WEN ONS WêRELD)**

Papier, plastiek, karton, glas, blikkies en polystyrene - *hoef nie gesorteer te wees nie,*

*herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees.

#### **• LIEFDEGAWES VIR BARMHARTIGHEID (DIAKONIE)**

ZAPPER (Selfoon toepassing)

Hierdie QR simboolkode is gekoppel aan die Diakonie se rekening en **slegs bydraes vir**



**Barmhartigheid** kan daarmee gemaak word - geen ander betalings aan die Diakonie of kerkraad nie

#### **• SOSIALE MEDIA VIR ONS GEMEENTE**

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](http://www.facebook.com/oosdoppers)

Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.



### **KONTAKBESONDERHEDE: PREDIKANT, HULPDIENS & KANTOOR**

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637  
Prof. Herrie v Rooy – 083 700 3933

Kerkkantoor: Adele 018 290 7690

Kosterspaar: Johan 061 336 7255  
Elsa 073 959 8051

# **SUSTERS IN DIE GELOOF**

## **"Skuil Onder God se Vleuels"**



### **TEESKINKGELEENTHEID**

- Baie dankie aan die groepsusters en hulle groepe se susters, broers en kinders wat met die skink en opwas help!
- Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!

Tee word **vandag** deur die volgende groeplede en hul groepsusters bedien: Johanna Venter en groep 3, Lorette Bester en groep 4, Elmien Halgryn en groep 12, Ria Robberts en groep 13, Cornè Geyer en groep 22, Nelleke du Toit en groep 24, Annetjie Vermeulen en groep 32, asook Carina Smits en groep 33.

**Volgende week** skink Sonette Turkstra en groep 5, Anelle Venter en groep 14, Annari Schutte en groep 25 asook Stephanie Earle en groep 34 se susters tee. *Baie dankie julle!*

### **BELYDENISAFLEGGING - VERVERSINGS**

Baie dankie aan al die susters vir almal se bydraes om dit 'n heerlike kuiergeleentheid te maak. Die belydenisklas en hulle ouers waardeer dit regtig.



### **SUSTERSBYDRAE**

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

### **SUSTERSAAMTREK - 10 MAART 2018**

Gereformeerde Kerk, Cachet nooi ons hartlik uit na die Sustersaamtrek op 10 Maart by die Geref. Kerk Potchefstroom. Tema: Skuil onder God se vleuels.

Kostes: R120 p.p en R100 vir studente. Spreker: Prof. Henk Stoker

Besprekings het reeds gesluit. **Ons herinner die susters om hul betalings te doen asb.**

### **KWARTAALPROGRAM**

DATUM	DAG	TYD	WIE	WAT
25-Feb	Sondag	09:30	Almal	Belydenisaflegging
3 Mrt	Saterdag	1 dag	Naamlys	Gemeenteuitstappie
10 Mrt	Saterdag	8:30 vir 9:00	Naamlys	Sustersaamtrek
15 Mrt	Donderdag	19:00	Blok A	Ouderlingverversings
18 Mrt	Sondag	12:00	Blok C	Nagmaal & ete

# OOSDOPPERTJIES

Jes. 43:1b "Ek het jou op jou naam geroep, jy is myne."



Jesus sê EK IS die ware Wingerdstok

Welkom op die druweplaas!

Voltooi: Johannes 15:5

Ek is die \_\_\_\_\_, julle die lote. Wie in My bly en Ek in hom,  
dra baie vrugte, want sonder My kan julle niks doen nie.

Galasiërs 5: 22-23 Die vrug van die Gee is:

L \_\_\_\_\_ V \_\_\_\_\_

V \_\_\_\_\_ G \_\_\_\_\_

V \_\_\_\_\_ G \_\_\_\_\_

G \_\_\_\_\_ N \_\_\_\_\_

S \_\_\_\_\_



Werk die Heilige Gees in jou? Jy sal weet of dit die geval is deur dat jy die vrug van die Gees ervaar. Die vrug van die Gees is iets wat ander mense in jou lewe kan sien deur net na jou te kyk. Die grootste teken wat vir mense wys of God se Heilige Gees in jou werk of nie, is of jy deur liefde lewe of nie. God kon enige ander deel van die vrug eerste noem, maar Hy het nie. Hy het gekies om liefde eerste op die lysie te plaas. Liefde is die deur na die ander dele van die vrug van die Gees. Jy kan nie vriendelik wees sonder liefde nie. Dieselfde is ook waar van die ander dele van die vrug. As jy met die Heilige Gees vervul wil wees, moet jy liefhê!

**BAIE DANKIE AAN ONS BORG VAN DIE WEEK!**



**Sanet Ras Prokureurs**

OPSTEL VAN TESTAMENTE.  
BEREDDERING VAN BOEDELS.  
ALLE EIENDOMSTRANSAKSIES.

Van Riebeeckstraat 101, Potchefstroom  
Tel: (018) 294-8953 k/u